



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR
22 OGOS 2017 (SELASA)

AKHBAR

MUKA SURAT

Sinar Harian

- Noh cabar Azmin berdebat

35



MAJLIS PERBANDARAN AMPANG JAYA
BAHAGIAN PERHUBUNGAN AWAM DAN SEKRETARIAT
MENARA MPAJ, JALAN PANDAN UTAMA,
PANDAN INDAH, SELANGOR,
55100 KUALA LUMPUR

KERATAN AKHBAR 22 OGOS 2017 (SELASA)	
Akhbar	Sinar Harian
Tajuk Berita	Noh cabar Azmin berdebat
Muka Surat	35

Noh cabar Azmin berdebat

sh m/s 35 22/8/2017
Kamah Mesra

Menteri KPKT itu ajak MB Selangor berdebat mengenai isu perumahan rakyat

MUHAMMAD FAIZ SULONG

SUBANG - Menteri Kesejahteraan Bandar, Perumahan dan Kerajaan Tempatan (KPKT), Tan Sri Noh Omar mencabar Menteri Besar Selangor, Datuk Seri Mohamed Azmin Ali untuk turun ke pentas debat bagi menyelesaikan isu perumahan di Selangor.

Katanya, Mohamed Azmin dilihat sering mengeluarkan kenyataan-kenyataan yang mengelirukan rakyat termasuk mendakwa isu perumahan cuba dipolitikkan oleh pihak Kementerian.

"Saya lihat kenyataan-kenyataan yang dibuat oleh Menteri Besar dalam isu perumahan di Selangor seolah-olah nak sahkan Kerajaan Persekutuan.

"Saya cabar Menteri Besar untuk turun berdebat atau forum di pentas pihak ketiga yang berkecuali, di pentas Wacana Sinar misalnya... Dalam parlimen tak cukup masa jadi saya

sedia berdepan dengan dia.

"Kita bincang bagaimana kita nak selesaikan masalah perumahan rakyat, bukan berpolitik. Jangan asyik mendabik dada cakap Selangor miliki duit banyak berbilion-bilion tapi hal perumahan rakyat tak dapat pembelaan," katanya.

Noh berkata demikian kepada pemberita dalam sidang media setelah hadir ke Majlis Ramah Mesra dan Penyerahan Kunci Program Perumahan Rakyat (PPR) Lembah Subang 2, semalam.

Menurutnya, kerajaan negeri seharusnya berterima kasih kepada kerajaan persekutuan yang telah cuba berusaha membantu menyelesaikan masalah rakyat di Selangor.

"Bila saya turun ke kawasan Gombak dan luluskan peruntukan sebanyak RM 11 juta untuk bantu rakyat di sana, Azmin kata saya cuba timbul-

kan kontroversi...Dia kena faham dalam membantu rakyat tak mengira fahaman politik," katanya.

Sementara itu, dalam majlis sama, Noh menyerahkan kunci rumah kepada 596 orang penerima yang layak melalui Skim Sewa Milik (Rent to Own) dengan tempoh percubaan sewaan selama dua tahun.

Di bawah skim berkenaan, sewaan sebanyak RM 175 hingga RM 205 sebulan ditetapkan selama tempoh 20 hingga 25 tahun serta yuran penyelenggaraan sebanyak RM 50 sebulan sebelum hak milik diserahkan kepada peserta.



Noh menyampaikan kunci kepada salah seorang peserta yang layak menduduki PPR Lembah Subang 2 melalui Skim Sewa Milik.

